

Svrha pravila

Pravilo 12 je posebno pravilo koje se odnosi na bankere, a oni su naročito pripremljena područja sa ciljem da se na njima testira igračeva sposobnost da igra lopticom iz pjeska. Da bi se osiguralo da se igrači suoče sa ovim izazovom, postoje neka ograničenja u pogledu dodirivanja pjeska prije nego što se izvede udarac i gdje se može uzeti olakšica za lopticu u bankeru.

12.1 Kada je loptica u bankeru

Loptica je u bankeru kada bilo koji njen dio:

- dodiruje pjesak na zemlji unutar granice bankera, ili
- kada loptica jeste unutar granice bankera i miruje:
 - na tlu gdje bi normalno bio pjesak (na primjer, odakle su vjetar ili voda odnijeli pjesak) ili
 - u ili na neučvršćenom predmetu, pokretnoj zapreci, području nenormalnog stanja igrališta ili sastavnom objektu koji dodiruje pjesak u bankeru ili je na tlu na kome bi normalno trebalo da bude pjesak.

Ako loptica leži na zemlji ili na travi ili na drugim rastućim ili pričvršćenim prirodnim predmetima unutar granice bankera a ne dodiruje pjesak, onda loptica nije u bankeru. Za situaciju u kojoj su dijelovi loptice istovremeno u bankeru i u nekom drugom području igrališta, pogledajte Pravilo 2.2c.

12.2 Igranje lopticom koja je u bankeru

Ovo pravilo se primjenjuje kako tokom igranja kruga, tako i kada je igra zaustavljena po Pravilu 5.7a.

12.2a Uklanjanje neučvršćenih predmeta i pokretnih zapreka

Prije igranja lopticom iz bankeru, igrač može ukloniti neučvršćene predmete u skladu sa Pravilom 15.1 i pokretne zapreke u skladu sa Pravilom 15.2. Ovo obuhvata svako opravdano dodirivanje ili pokretanje pjeska u bankeru do kojeg dolazi pri navedenim djelovanjima.

12.2b Ograničenja u pogledu dodirivanja pjeska u bankeru

1) Kada je dodirivanje pjeska kažnjivo. Prije izvođenja udarca u lopticu u bankeru igrač ne smije:

- namjerno dodirivati pjesak u bankeru rukom, štapom, grabuljama ili nekim drugim predmetom da bi provjerio stanje pjeska i tako došao do informacije potrebne za izvođenje sljedećeg udarca, ili
- dodirnuti pjesak u bankeru štapom:
 - u području pravo ispred ili pravo iza loptice (izuzev na način koji je dozvoljen Pravilom 7.1a pri korektnom traženju loptice ili Pravilom 12.2a pri uklanjanju neučvršćenog predmeta ili pokretne zapreke),
 - pri izvođenju probnog svinga, ili
 - pri izvođenju zamaha unazad tokom udarca.

2) Kada dodirivanje pjeska nije kažnjivo. Izuzev onoga što je opisano u (1), ovim pravilom se ne zabranjuje igraču da dodiruje pjesak u bankeru na bilo koji drugi način, što uključuje i sljedeće:

- ukopavanje stopalima radi zauzimanja stava za probni sving ili za udarac;
- poravnavanje pjeska u bankeru kao vid brige za igralište;
- postavljanje štapova, opreme ili drugih objekata u banker (bacajući ih ili polažući ih);
- mjerjenje, označavanje, podizanje, ponovno polaganje ili preduzimanje drugih djelovanja po nekom pravilu;
- naslanjanje na štap radi odmaranja, održavanja ravnoteže ili sprječavanja pada; ili
- udaranje po pjesku zbog frustriranosti ili ljutnje.

Ali igrač će biti kažnjen **opštom kaznom** ako dodirivanjem pjeska poboljšava uslove koji utiču na udarac, što je kršenje Pravila 8.1a. (Pogledajte i pravila 8.2 i 8.3 u vezi sa ograničenjima u pogledu poboljšavanja ili pogoršavanja drugih fizičkih uslova koji utiču na igru.)

3) Nema ograničenja pošto je lopticom igrano iz bankera. Pošto je igrano lopticom iz bankera i ona je van bankera, igrač može:

- dodirivati pjesak u bankeru bez kazne po Pravilu 12.2b(1) i
- poravnavati pjesak u bankeru kao vid brige za igralište bez kazne po Pravilu 8.1a.

Ovo važi čak i ako se loptica umiri van bankera a:

- potrebno je ili se dozvoljava pravilima da igrač uzme olakšicu udarac-idealjenost ispuštajući lopticu u banker, ili
- pijesak u bankeru je na liniji igranja igrača pri sljedećem udarcu koji igrač izvodi van bankera.

Ali ako se loptica kojom je igrano iz bankeru vrati u banker, ili igrač uzima olakšicu ispuštajući lopticu u banker, ograničenja iz Pravila 12.2b(1) i 8.1a ponovo važe za lopticu u igri u bankeru. **Kazna za kršenje Pravila 12.2:** opšta kazna.

12.3 Specifična pravila za olakšicu za lopticu u bankeru

Kada je loptica u bankeru, u toj situaciji se mogu primjenjivati specifična pravila za olakšice uslijed:

- smetnje zbog nenormalnog stanja igrališta (Pravilo 16.1c),
- smetnje zbog opasne životinje (Pravilo 16.2), i
- neigrive loptice (Pravilo 19.3).